

Baccalaureum illum, qui ad legendum publice *Cursum* seu *Biblicum* seu *Sententiarum* admissus esset. De Opere denique nostro notandum, *Petrum* nostrum, quem admodum ipse *Nicolai de Hanapis* O. P. cujus habentur *Virtutum Vitiorumque Exempla e sacris Literis*, viam institit, ita imitatore nactum fuisse Ordinis sui Virum *Antonium Rampigollum* in *Figuris Biblior.* et *Aureo Biblior. Repertorio*.

II. fol. 253. Queritur. *Vtrum penitenti confessato fratri non licenciato sub iuris forma debita sit necesse confiteri de nouo proprio sacerdoti delicta preconfessa.* Respondetur negando. In *Actu Academico* propositam fuisse *Quaestionem* adparet ex fine, ubi *Autor Venerabilium Magistrorum libramini* sua subijcit. Ad calcem: *Scriptum Treueris per fratrem Johannem Dusseldorp Anno domini M^o.CCCC^o.LXI^o. secundum stilum Treueren.* (annos 25. Mart. incipientem) *XX die mens. februarij qui fuit sabbato ante Dominicam LX^e. pro tunc Cursorem Inmeritum ibidem.*

III. fol. 277. *Expositio Orationis Dominicae, quae incipit: Pater noster — Sciendum quod in Oratione dominica sunt duo, scilicet oratio et petitio &c.* Ad calcem: *Per me fratrem Johannem de Dusseldorp scriptum tholose finitum est autem Anno domini M^o.CCCC^o.LXII^o et die vicesima quarta mens. aprilis. Johannem hunc Freytag multa scribere sed celare adseruit Job. Trithemius*

de Scriptt. Eccl. n. 960. unde et *Tractatus* duo mox indicati ad eum referri poterunt. *Doctorem Colonensem* fuisse, *Priorem Conuentuum suorum Moguntiae et Argentinae, Palaestinamque*, quam adierat, descripsisse, tandemque *Argentinae* 1494. obiisse, idem tradit in *Catal. illustr. Germ. fol. 56.* Neque verbo plus *Lucius* in *Bibl. Carm. fol. 45.*

IV. fol. 301. Eadem manu *Themata sacrarum Dictionum* in *Dies Dominicas*, quibus *Quaestiones e Summa Thomae Aquin.* adcommodantur. Ejusdem puto *Johannis*, quem idem *Trithemius* a facundia in declamandis *Sermonibus* commendat.

CLXXIV. VI. C. 10.

Codex chartaceus lat. Sec. 14^a XVI. Folior. 28. f. continet *Benedicti Ariae Montani Hispalensis Librum Thubal — Cain, sive de Mensuris Sacris* in tria, ut vocavit *Autor*, Volumina distinctum, descriptumque ad verbum cum ipsis ad calcem *Censurum* *Adprobationibus* ex *editione Cph. Plantini* in *Adparatum Bibliorum Regionum Antverpiae* 1572.

CLXXV. VIII. C. 12.

Codex membraneus lat. Sec. 19^a minimum XII. Folior. 78. f. eleganter scriptus et rubricis distinctus, litera quadrata miniata sic praenotatur: *Incipit Expositio Bedae Presbiteri. De Tabernaculo Domini. Et Vasis eius. Ac Vestibus*

stibus Sacerdotum. Libri Tres. Sequitur Elenchus Capitum, sed Capitibus II. et III. Libri in unam seriem coniectis. Liber I. incipit: Locuturi Domino iuvante de figura tabernaculi et uasorum atque utensilium eius. II. fol. 23. p. 2. Tabernaculum quod fecit Domino Moyses in solitudine, sicut et templum &c. III. fol. 51. p. 2. Precipe Filiis Israel ut deferant tibi oleum &c. Finis Operis: Quia isti sunt semen, cui benedixit Dominus. Extat in edit. Opp. Bedae Colon. 1688. T. IV. col. 838. Non deessent tamen, quae Codex noster novae Editioni rectiora subpeditaret. Ita L. I. c. 1. melius legit: dona sancti spiritus

pro adventu sancti spiritus, et paullo post: ut tali miraculo, pro ut tali esse miraculo. C. 2. ad audienda quae audiuit, pro erudienda quae audiuit. &c.

CLXXVI. VIII. 2. 5.

Codex chartaceus lat. Sec. 266 XV. Folior. 37. f. *Versus* et alios *Locos Memoriales* de diversis materiis in varia Schemata seu Figuras digestos infelici Majorum nostrorum artificio complectitur, quorum praecipuos attingam. Initium faciunt *Metra pro Memoria li Biblie*, et quidem duplex Specimen. Primum infit:

Post pentateucum sequitur, Josue, Judicum, Ruth, Hinc Regum, Paralipomenon, Job, postea Psalmi &c.

Alterum:

Ut seriem mente textus teneas doceam te Est Genesis primus, subit Exodus ipse secundus &c.

Fol. 2. p. 2. Conspectus Librorum utriusque Testamenti secun-

dum varias divisiones. Subjecti quidam Versus. V. g.

Mors. morbus. calor. et frigus. sitis. esuriesque Cura. labor vite. domini sunt octo sagitte &c.

Item aliud Schema inscriptum: *Sacre Scripture Latitudo Longitudo Altitudo Profunditas. Aliud de XII. Tribubus, de Significationibus numericis Literarum Alphabeti, de Ecclesia considerata ut Vineae.*

Fol. 5. p. 2. Schema inscriptum: Duodecim subscripti prophe-

te concordant cum XII. apostolis in symbolo Orthodoxe fidei. Aliud instar geminae Arboris, quarum una Vetus, altera Novus Adam inscribitur; in illa vitia ascendunt ex radice Superbiae, in hac Virtutes ex radice Humilitatis.

Fol. 7. p. 2. Schemata varia scil. Vitorum et Virtutum. Efectuum